

Regional News Unit AIR Aizawl

Friday, August 30, 2024

Time - 7:30 -7:40Hrs

REGIONAL NEWS BULLETIN

HEADLINES (MORNING)

- **A mamawhtute hnena a thlawna mit pek leh hemi chungchanga inzirtirna hapta hnih aw h tur -"Eye Donation Fortnight" hawn a ni.**
- **Sorkar laipuiin thil sual ti tute hremna dan thar a zam, Bharatiya Nyaya Sanhita July ni 1 atanga hman tan anih hnuah Mizoramah thubuui 328 ziah luh a ni tawh.**
- **Tripura sawrkar chuan an state pumpui chu tuilian nasa avangin khuarel chhiatna thlenna Natural Calamity Affected Area ah a puang.**
- **Indian Navy tuihnuai lawng nuclear ralthuam phur thei INS Arighaat chu nimin khan Visakhapatnam ah Defence Minister Rajnath Singh an a tlangzarh.**



EYE DONATION FORTNIGHT

A mamawhtute hnena a thlawna mit pek leh hemi chungchanga inzirtirna hapta hnih aw h tur -"Eye Donation Fortnight" chu nimin khan Aizawla Health Directorate Office-ah hawn a ni a. Hei bakah hian DHS leh DHME Staff te tan a thlawna mit entirna free Clinic buatsaih nghal a ni.

Eye Donation Fortnight puala hun buatsaih hi National Programme for Blindness & Visual Impairment bultuma neih a ni a. NHM Mission Director Dr.Eric Zomawian kaihruiin Health Services Director Dr. Lalremmawiin a hmanpui a ni.

Aizawl Civil Hospital Eye Donation Counsellor Mimi Zodinthari tarlan danin Kum 2008 July ni 12 atanga nimin thlenga mit pe thei tura in register zat hi mi 8982 an ni a, Mitdel mit thlak ngai in-register hi mi 362 awm tawhin Corneal Transplant tawh zawng zawng 502 an awm tawh bawh. Mit lak tawh zawng zawng hi tun dinhmunah 1130 awm tawhin mit pe tawh zat hi tun dinhmunah mi 568 an ni.

He fortnight hun chhung hian Radio leh Cable TV lamah Eye Donation chungchang inzirtirna hun uar taka hman chhoh zel a ni ang.



ANTI CORRUPTION AWARENESS

Mizoram LokAyukta leh MJA Lunglei chuan Lungleiah Anti-Corruption Awareness Campaign nimin khan an buatsaih a.

He huna thusawitu Mizoram Lokayukta Member Pu Joel Joseph Denga chuan,

Mizo kristian te chu hlemhletna leh eirukna an nunpui chuan Pathian malsawmna an beisei thei lovang a ti a, Pathianin dan zawm turin mihringte chu a duh thu leh chu chu hmuingilna a ni a ti a, Taxation leh police checkgate- a motor lut ten thamna an pek a ngaih si chuan corruption chungchangah sawi theih tur a awm lo, a ti a, Mizorama civil case neih tam zawk chu Land Revenue ten dikna an tlakchham vang a ni a ti a, hei hian hmasawmna a ti thuanawp a ni a ti. Mizoram chu Zero corruption state a siam turin tanrual a ngaih thu a sawi bawk.

Mizoram Lok Ayukta Public Prosecutor Pu R.Laltharlina pawhin thu sawiin Mizoram Lok Ayukta chuan Suo moto power an neih thu leh eiru ni a hriat chu an chhui nghal thei tih a sawi a, CBI ko lut turin stàte phalna lak kher a ngaih loh thu leh, Lokayukta chuan hemi chungchangah thuneihna a neih thu a sawi bawk.

Lok Ayukta Public Prosecutor chuan Mizorama corruption awm chhan ber pakhat chu eirukna ngaihsak tawh loh vang te, langtlang a awm loh vang te leh duham vang te a ni tiin corruption do turin mitin a sawm a, engtiklai pawh a zualko na a thlen theih thu leh a tul a nih chuan Lok Ayukta a zualko te hming an thup sak theih thu a sawi bakah tender chhuah lova hna pek, sorkar tanpuina dawng a hnathawh thalo te pawh an chhui an thei tih sawiin mitin eirukna do turin a sawm bawk.

<><><>

KOLASIB DCC

Kolasib Bawrsap Pu Robert C. Lalmangaiha chuan tun dinhmuna Kolasib district chhunga hmalakna pawimawh ber chu kawngpui siam that a nih thu a sawi.

Nimina Kolasib DC Conference Hall-a Kolasib District chhunga NABARD hnuai hmalakna thlirletna atana District Level Review & Monitoring Committee neih-ah sawiin, Kolasib bawrsap chuan Kawngpui siam that mek en zui a, a tul anga hmalatu tur Working Group din a nih thu leh he Working Group hian hma a lak mek thu a sawi a, Bawrsap chuan Kolasib District huam chhunga hmalakna chi hrang hrangah report pek that a tul thute, hna thawh zawh hnuah thla khat chhunga Completion report pek a tul thute bakah NABARD hnuai hnathawhte chu zawh hun tura ruahman-ah zawh hman loh a nih chuan thla 18 dang an hnathawh hun hi pawh sei sak theih a nih thu te leh hemi hnu lamah chuan Fund hnuh kir thleng pawh a hmalak theih a nih thu pawh a sawi bawk.

Meetingah hian Member Secretary Pu JD Traite, Kolasib District Development Manager, NABARD chuan Rural Infrastructure Development Fund (RIDF) leh Warehouse Infrastructure Fund (WIF) awmzia a sawifiah a. Kolasib District chhunga RIDF leh WIF hnuai hmalakna hrang hrangte a tarlang bawk.

He thutkhawma tarlan a nih danin, Kolasib District chhungah hian NABARD kaltlangin Line Department hrang hrangten RIDF hnuai a Tranche 28, 29 leh 30 na hnuai Project 66 khawih a awm a, Line Department 9 ten heng hna hi thawh mekin WIF hnuai hian Project 3 Department 3-ten khawih mek bawkin hmalakna neih chinte, thawh zawh tawh te leh hmalak tum mekna te report pek a ni bawk.

<><><>

KVK FARMERS

Khawzawl district a Neihdawn khuaa Tomato chingtute leh KVK Khawzawl-a thawktute chuan nimin khan hun an hmangho a.

He hun hi KVK Khawzawl district-te buatsaih a ni a, Neihdawn khua a Tomato chingtu chhungkaw 50 te nen hun hmang hovin Tomato lawh runpui an nei nghal a. Krishi Vigyan Kendra (KVK) Khawzawl te hian Neihdawn khuaah hian kumin 2024-ah Tomato chi IHR-NEH Scheme hnuai hnuai atanga an pek bakah training te pe in NCIPM hnuai atangin Tomato enkawlina tur damdawi an pe bawk. Kum 2023 khan Neihdawn khua te hian Tomato an thar chhuah atangin cheng Nuai Sawmnga an la lut tawh bawk.

Neihdawn khua te hian Tomato chin kawngah nasa taka hma la in chhungkaw 80 zetin Tomato ching turin hma an la leh mek a, KVK hian Tomato chi chah chhuah sakín nasa lehzualin kumin chho hian hma lak leh an tum mek a ni.



CASE REGISTERED UNDER BNS

Sorkar laipuiin thil sual ti tute hremna dan thar a zam, Bharatiya Nyaya Sanhita July ni 1 atanga hman tan anih hnuah Mizoramah thubuai 328 ziah luh a ni tawh.

Bharatiya Nyaya Sanhita hnuaiiah hian Mizoramah chuan he dan thar hman tan ni, July ni 1 khan Champhai Police Station-ah case hmasa ber ziah luh a ni a, dan tharin a phut angin, Police Station tin a FIR ziah luh reng rengte chu Crime and Criminal Tracking Network and System (CCTNS) hnuaiiah fel fai taka chhinchhiah thin an ni a, he hian Police te hnuchhui kawnga an hnathawh pawh nasa lehzualin a tih chak phah a ni.



MAMIT GREEN AG

Mamit-ah District Bawrhsap Pu Jacob Lalawmpuia, TSG chairman ni baw kaihhruiin Green-Ag Project meeting nimin khan neih a ni a,

Meeting kaihhruiitu Pu Jacob Lalawmpuia chuan Project reng reng a hlawhtlinna tur chuan thawktute tihtakzeta inpekna a pawimawh a ti a, Department dangte nena thawhduna project hlawhtlinna nei tur chuan ngaihtuahna hmante a ngaih bakah Line Department- te pawh theihtawp chhuah turin a chah bawk.

Kumin atana Green-Ag Project in Mamit District chhunga hmachhawp a neih langsar zualte chu: Aieng leh Vaimin chingte, turmeric processing unit dinte, feed mill thawmthate, water harvesting structure siamte, sangha dil siamte, tualchhung sangha tihpun leh-te, Mamit District chhunga project khawtina School naupangte Eco-club kaltlanga environmental awareness pekte, environment kaihhnawih ni pawimawh bikah painting and drawing competition huaihawtte, soil testing kit hmanga lei tha leh thalo tehpuite te a ni.

Green-Ag Project hian Lunglei leh Mamit-a ram hectare 8972.1 vela zauah leh khaw 38-ah hma a la mek a, Mamit District bikah hian W. Phaileng RD Block hnuaiia khaw 20, Zawlnuam RD Block hnuaiia khaw 2, Reiek RD Block hnuaiiah khaw 2 avaiin khaw 25-ah kalpui a ni.

He thutkhawmah hian project Annual Work Plan & Budget (2024-25) atan cheng vbc 9 leh nuai 80 leh Mamit district bik tana duan Green Landscape Management Plan (GLMP) chu meeting-ah hian pawm a ni nghal bawk.



LADC CEM

Lai Autonomous District Council CEM Pu C. Lalmuanthanga leh LADC hnuai Engineer-te chu a CEM Office-ah nimin khan an inkawm a.

CEM chuan, 16th Finance Commission-ah LADC chuan a mamawhte a thlen ve thei ta tih a sawi a, LADC chhunga inkalpawhna te, Lawngtlai khawpui chhung inkalpawhna turte arang lama an ruahman atul hle a, ram leh hnam tan project tam tak siam tur a awm a, LADC in Engineer a neihte chu ngaihtuahna ram tan nasa zawka seng turin a chah a, ruahmanna an siamte chu theihtawp chhuahin an nin an lo bawhzui tur thu a sawi.

He hunah hian, Engineer-ten LADC in hmasawna nasa zawk 16 Finance Commission hnuai ah a hmuh theih ruahmanna an siam hrang hrang te sawiin, hmalakzui ngai leh bawhzui danturte an sawiho a ni.



TRIPURA CALAMITY

Tripura sawrkar chuan an state pumpui chu tuilian nasa avangin khuarel chhiatna thlenna Natural Calamity Affected Area ah a puang. Tripura-ah hian sawrkar laipuiin zirchiang tura mithiam a tirh Inter-Ministerial Central Team (IMCT) ten chhiatna thlenna hmunte an enfiah mek a. Inter-Ministerial Central Team te hian Gomati leh South Tripura district-a chhiatna thlen dante an zirchian hnuah vawin hian Khowai leh Sepahijala district an tlawh leh dawn a. Heng district te hi ruahsur nasa leh tuilian avanga harsatna tawh nasa an ni a. Chhiatna thlengah hian mi 32 an thi tawh a ni.

Hetihlai hian tuilian hian mipuite tuitlan a tih bawlhhlawh tan avangin tui hri natna hrang hrang leng thei dinhmunah an awm mek a. Tripura Health Department chuan hmun hrang hrangah health camp an buatsaih a. Department of Drinking Water and Sanitation chuan mipuite himna turin inkaihhraina a ti chhuak tawh bawh a ni.



INS ARIGHAAT

Indian Navy tuihnuai lawng nuclear ralthuam phur thei INS Arighaat chu nimin khan Visakhapatnam ah Defence Minister Rajnath Singh an a tlangzarh. Thusawin Pu Singh-a chuan Arighaat chuan India nuclear ralthuam ti hriamtu tur anih thu sawiin remna vawnhim kawnga hmanraw tangkai tak a ni dawn a ti a. Ram venhimna kawngah a pawimawh dawn hle a ni a ti a. Ram tan hlawhtlinna ropui tak anih thu sawiin Prime Minister Narendra Modia kaihhruai sawrkarin ramchhung thilsiam chawilar tura hma alakna a taka tilangtu a ni a ti.

**Indian Navy, DRDO leh ramchhung Industry te chu an thawhrimna
fakawm atih thu a sawi bawk a ni.**

